

能吐氣成雲乘雲而行書黃縉九寸佩之左
統六甲十二神靈飛玉女十二人侍身凡修
行存思七星之道入室皆先服五符然後書
也書及服皆東向叩齒十二通仰呪曰
玄虛敷清飛行羽經上映雲霞下攝千靈控
御六甲運我身形飛步天元上舉斗精凝魂
固魄內填充盈出空入玄與氣常生畢服符
書五心然後行事如此九年剋得乘空御雲
飛行太清左右雲飛玉符出於自然之氣玄
授太真以登空步虛舉魁躡剛纏落七玄上
昇玉清之道以備飛行羽經得之者神仙佩
之者成真人修之者致白鸞之車黑翻之鳳
來迎子身上登玉官遊宴常陽太上大道君
以傳上元太素君大微天帝君施行道成秘
於太上靈都之宮依科三十年一傳不得輕
泄宣露天真遺盟負誓身役鬼官殃及九祖
充閉幽泉 前符並未書

洞真上清龍飛九道尺素隱訣

洞真太上三九素語玉精真訣

洞真太上三九素語玉精真訣 通八
三九素語玉精真訣

九天丈人三天玉童以上始元年天甲吉辰
時加北維移度停軒三元齊景九帝迴真登
高上玉館紫虛之天三九素語披解靈關玉
精真訣理命長存開究遼明清暢蕭條玉音
秀虛瓊音逸霄香風激无悲唱避家流芳深
願氣冠神颺玉檢總御萬仙來朝斯玄古之
妙化經萬劫而不彫撰真訣以遺觀試來心
於懸翹若金名東華綠字紫庭得受妙為位
登玉清三關啓機九戶受靈面登金容五藏
華榮金真感暢豁落洞明神燭潛照寶光夜
生流金交擲煥落火鈴嘯命立到驅策神兵
三元詣房降致綠軒乘空駕虛飛騰上清
上相青童君曰三九素語出於九帝三真命
呪之辭理氣停年開解靈關五藏華鮮子有
玉骨得見此文密告明誓誓信九天階修其
道慎勿妄宣宣示非人考延子身不但風刀
殃速七玄明慎天科以求道真九年不懈剋
得上仙

訣文以九天丈人三天玉童同時傳太帝君
天帝君太微天帝君太帝君以傳南極上元
君天帝君以傳西王母太微天帝君以傳金
闕聖君金闕聖君傳上相青童君青童君傳
西城王君使付後學應為真人者承其相統
氣係皇篇至王君已經七千餘劫王君後封
靈文於玉屋山西穴玉室之內有素靈之官
侍香典文其道秘妙不行於世若有玄名遇
得此文萬仙來朝八官衛身愍行苦思白日
昇晨

凡受上清道德三寶妙章步虛昇玄之道而
不先釋五藏開理幽闢萬氣不固真靈不欣
徒勞勳事萬不得仙今誤王訣上帝妙言以
傳後學秘而奉真慎勿輕傳殃滅子身每至
本命之日沐浴入室東向叩齒九通冥目思
東方青帝少陽九靈真人諱拘上生身長九
寸頭戴九元之冠衣單青飛裙手執青精玉
板乘青雲飛輿從十二青柱玉女從天清陽
宮中來下以青雲冠覆我身思九靈真人乘
雲氣入我身中安鎮肝內使三呼少陽九靈

真人拘上生齋青芝玉精補養我身使三味口三嚙止仰呪曰

蒼元結靈少陽先生九氣還肝使為魂寧幽府結華藏內鮮明練容固體反白為青神化內發景登滅庭敢有犯試摧以流鈴上帝玉

錄太清記名單引氣九嚙止

正南向冥日叩齒三通思南方赤帝太陽南極真人諱融尚生身長三十頭戴進賢之冠衣緯章之衣手執朱玉之板乘赤雲飛與從赤桂玉女十二人從天蘭臺宮中來下以丹

雲飛輿冠覆我身思太陽南極真人乘雲氣入我身中安鎮心內便三呼太陽南極真人融尚生齋丹芝玉精補養我身使三味口三嚙仰祝曰

赤庭絳雲上有高真三氣歸心是我丹元騰我淨躬逕奏以開心固神靜九靈閉關金真內映紫煙結雲太微綠字書名神仙飛行上清朝謁帝尊舉引氣三過嚙止

正西向冥日叩齒七通思西方白帝少陰素靈真人諱厚明子身長七寸頭戴玉寶玄冠

素元錦之水手執素玉之板乘白雲飛與從素靈玉女十二人從天皇宮宮來下以素雲冠覆我身思素靈真人乘雲氣入我身中安鎮脾內便三呼少陰素靈真人厚明子齋洪芝玉精補養我身使三味口三嚙止仰呪曰

素元洞虛天真神虛七氣守脾與神同居保練五藏含華赤芝澤誠明石遊御玄虛白玉金字九帝真書使我飛仙死名落除遊嗣三清適意所如舉引氣七過嚙止

正北向冥日叩齒五通思北方黑帝太陰玄靈真人諱冥女身長五十頭戴玄冠衣玄雲之衣手執玄精玉版乘玄雲飛與從太玄玉女十二人從天玄陰玉虛宮中下以玄雲冠覆我身思太陰玄靈真人乘雲入我身中安鎮腎內便三呼太陰玄靈真人冥女齋齋

玄芝玉精補養我身使三味口三嚙止仰呪曰玄元北極太上靈瓊五氣衝霄龜玉參差寶華結絡胃藏開神名玉臺年同二儀上皇大帝峙然不遠役使六甲以致八威參龍駕浮超然昇飛吐納神芝應劫不衰舉引氣

五過嚙止

正向本命之上冥日叩齒十二通思中央黃帝總元三靈真人諱厚華身長一寸二分頭戴黃龍玉冠衣黃錦飛裙手執黃精玉版乘黃雲飛與從中央黃帝玉女十二人從天玉房宮中下以黃雲覆我身思三靈真人乘雲入我身中安鎮脾內便三呼總元三靈真人厚華齋黃精玉芝補我身使三味口三嚙止仰呪曰

黃元中帝本命之神一氣侍脾使我得真實藏生華結絡紫宸變繫練容保命長延後物而傾千神來臣老君玄錄名書神仙長生久視與天同存舉引氣十二嚙止

還東向瞑目叩齒三十六通思五氣玉清高皇上寶真人諱太虛身長三寸頭戴玉展之冠衣五色无縫單衣左手捧日精右手執月光鎮我上府泥九宮中三呼上寶真人太虛齋五氣流精陶灌我身使五味口五嚙止仰呪曰

高上真皇五帝太靈保我泥丸玄映五形三

光明耀日月洞明飛雲霞陶注玉精練容
保魄神魂自生千變萬化昇入紫庭畢引氣
五嚙止

五方命呪畢摩兩掌拭目如此五年面發
金容五內華生玉藏保氣神仙道成三宮感
暢真靈見形乘空駕虛白日昇天惟在密修
慎勿輕傳

八節投刺法

夫修上法誦萬遍之道希真致靈以求神仙
者當以八節之日投刺靈山本命之嶽列奏
玉清三年勿失則名書青宮札係玉皇玉華
侍衛金宸奉迎此玉清真訣帝君寶篇有得
此訣計日昇仙安世神文考及九玄身段形
殘長閉河源惟在密修道不虛言

夏至節之日於本命嶽正中南向叩齒三十
二通仰微呪曰

玄精陽明元始帝靈四景八氣緯度天經白
元落死无英注生奏簡靈嶽錄聞玉清高上
帝尊記甲真名伏須告御身謁紫庭三官九
府靡不順聽畢嚙氣九過止還北向長跪讀

簡呪如後法訖埋簡於絕嶽之峯

立秋之日正中向西南叩齒三十二通仰微
呪曰流炎四射飛景啓明八氣交煥齊落天
經元始告晨上應帝靈奏簡靈嶽東華記名
長保玄室景紫庭三官九府列我長生與

天同休永保黃寧畢嚙氣九過止還北向長
跪讀簡呪如後法訖埋簡

秋分之日正中向西叩齒三十二通仰微呪

曰少陰告運八道開張三象順迴緯度天梁
元始勒正齊契四鄉奏簡玄嶽上聞玉京上
帝高尊記名无英三官落死九府順昌自爾

之後三界司迎乘虛駕煙飛行太空畢嚙氣
九過止還北向長跪讀簡呪如後法訖埋簡
立冬之日正中西北向叩齒三十二通仰微
呪曰

玄陰御晨四運迴天八氣交度三五周還上
帝告命日吉啓辰奏名青宮上補帝臣承天
順命拜謁玉晨北酆落死南宮度名畢嚙氣
九過止還北向長跪讀簡呪如後法訖埋簡
冬至之日正中北向叩齒三十二通仰微呪

曰陰精激氣朔晨乘冥二景交絡運度天經
九帝齊運煥采真名奏札上聞記契玉庭五
嶽三司咸定我生與日同光與天同寧畢嚙
氣九過止長跪讀簡呪如後法訖埋簡

立春之日正中東北向叩齒三十二通仰微
呪曰

陽精告始玄氣射辰二運交煥三五及真上

帝有命告我靈篇投簡靈嶽水係飛仙三官
九府度我河源名參帝籍長為玉賓畢嚙氣
九過止還北向長跪讀簡呪同後法訖埋簡

春分之日正中東向叩齒三十二通仰微呪

曰天清氣布浩素流青乘剛御晨迴應五星
黃錄映魂東華保生長享无極德劫肇齡奏
簡玉闕北帝落名遊歷玄臺浮景紫清畢嚙
氣九過還北向長跪讀簡呪如後法訖埋簡

立夏之日正中東南向叩齒三十二通仰微
呪曰

八氣維絡整位憐天五迴七轉變化忽聞三
練九試改容易年濟景无蹉永保上仙畢嚙
氣九過止還北向長跪讀簡呪如後法訖埋


簡

高上紫虛玉皇大洞三景弟子某嶽先生玉
甲年如干字某甲某月生已被三試應為帝
臣謹關五嶽靈山真神三官九府十二河源
記臣玄名上奏玉清

右朱書銀刺上北向讀刺畢埋刺玄嶽之
下勿令人得知之

北向拜拜長跪讀簡畢又叩齒九通微呪曰
元始帝皇高上玉真金仙父母玉華紫宸萬
氣總司監真領仙上校青宮符命靈神檢定
錄札列奉帝前謹關九府三官河源度名玉
篇永保長存畢埋簡並帝君素誦妙訣傳有
骨分應仙之人每至一節輒如上法今三年
得二十四過投刺靈嶽則真皇注名帝給玉
童玉女各十二人輕泄寶訣罪滅子身明慎
玄科秘而奉修
帝君玉文鎮神上法
玉精訣言子欲隱學清齋山嶽當以壬癸之
日刻青石黑書九天玉文埋所住東方臨埋
時東向叩齒九通呪曰


青辱青辱 太山靈嶽 九炁靈精
長林幽黑 三田藍波 四脚六目
上真宮宅 四域普告 千靈萬精
靡不順伏 玉帝有命 干者刑戮
畢埋石深九尺此帝君玉文鎮神上法文如左



此天帝君受九天
文九天玉文以
黑書青石以錄所
任嶽東方刻為魔
天天神人來此玉
文形如作多傳

玉精訣言當以甲乙之日刻赤石以青書九
天玉文埋所住嶽南方臨埋時南向叩齒九
通呪曰
赤丹陽精 南靈萬靈 營蕭有廳
乘幽入冥 帝宮有位 浮命黃寧

自天以下 敢不順聽 有干者戮
有犯者刑
畢埋石深九尺此
帝君玉文鎮神上法文如左




此天帝君受九天
文九天玉文以
石以錄所住嶽南方
刻為靈神其人
乘見玉文鎮神上
法其狀白昇天如
快者傳

玉精訣言當以戊己之日刻白石以黃書九
天玉文埋所住嶽西方臨埋時西向叩齒九
通呪曰
白皓結羅 素靈玄阿 西嶽萬精
乘氣逸波 元始告命 制御三華

四城八氣 悉為我家 有子者新
有犯者刑

單埋石深九尺此
帝君玉文鎮神上法文如左



此帝君受九天丈人
九天丈人書書白
石埋於佳處東方制
萬靈效神其家
見玉女衛身玉文自
明曰身天知靈符


玉精訣言當以庚辛之日刻黑石以白書九
天玉文埋所住處北方臨埋時北向叩齒九
通呪曰

北方恒山 辰星之精 玄陰黑點
協氣放靈 上帝有命 玉文鎮主

洞真太上三九素語玉精真訣

三道揚威 所制不輕 宜各順令
復爾真形

單埋石深九尺此
帝君玉文鎮神上法文如左



此帝君受九天丈人
天玉文以白書黑石
鎮所住處北方以制萬
靈效神其家見玉
女衛身玉文自明
身天知靈符

玉精訣言當以丙丁之日刻黃石以赤書九
天玉文埋所住處中央臨埋時向本命叩齒
九通呪曰

黃靈玄黃 總御五方 上乘元命
制伏妖王 千辛伯扶 與魔同咒
天一帝靈 受命九陽 元始玉文

鎮神中官

單埋石深九尺此帝君玉文鎮神上法文如左



此帝君受九天丈人
天玉文以赤書黃石
鎮所住處中央以制
萬靈效神其家
見玉女衛身玉文自
明曰身天知靈符

右玉精鎮神上法帝君受於九天丈人口口
之訣依上其玄科七百年聽傳有骨應仙之
人自無玉名不得妄宣輕泄神文考延七祖
殃滅子身受者慎焉秘而奉行

傳真訣素語之要依明科皆齋金魚玉龍青
紋四十尺金鈕九雙本命之繒百尺以誓九
天之信告盟誓諸天清濟幽室然後兼傳虧
善道信師及弟子同罪鬼官傳受之身各詳
慎而行
洞真太上三九素語玉精真訣